

ԱՄՓՈՓԻՉ ՀԱՇՎԵՏՎՈՒԹՅՈՒՆ

ՇՊՀ-ի ներքուհական դրամաշնորհի շրջանակում իրականացվող «Բնագիտական առարկաների «Դասավանդման մեթոդիկա» դասընթացի ծրագրերի բարելավում՝ «Ինտեգրված թեմատիկ միավորներ» թեմայի ներառումով» թեմայի

Վերոնշյալ թեմայով իրականացվող 1-ամյա ծրագրի աշխատանքները մեկնարկեցին 2017 թ. մարտի 1-ից՝ բուհի հետ կնքված N 02- SGI-2017 թ. «01» մարտի 2017 թ. պայմանագրի հիման վրա:

Նախատեսված բոլոր ժամանակահատվածների աշխատանքները ծրագրի թիմն իրականացրել է պատշաճ մակարդակով և ժամանակին: Մասնավորապես,

- Առաջին ամսում թիմի անդամների հետ կազմակերպվել են պարբերական հանդիպումներ, որոնց ընթացքում մեկնաբանվել է ծրագրի էությունը, կատարվել է պարտականությունների բաշխում, մշակվել է աշխատանքային ժամանակացույց:

- Ներկայացվել է գեկուցագիր, ցուցաբերվել է հետևողականություն՝ ժամանակին բուհի կողմից ծրագիրը անհրաժեշտ սարքերով ու նյութերով ապահովելու համար:

- Մշակվել է 3-օրյա դասընթացի ծրագիր և ստեղծվել դասընթացի կազմակերպման մոդուլ՝ տեսական ու գործնական աշխատանքներով:

- Դասընթացին մասնակցության հայտարարությունն ու հայտը ուղարկվել է մարզի բոլոր դպրոցների, ուսանողական խորհրդի էլեկտրոնային հասցեներին, տեղադրվել է բուհի կայքում, բաժանվել բուհի բոլոր ֆակուլտետներին ու ամբիոններին:

- Ստեղծվել է bnaget2017@mail.ru կայքը՝ մասնակիցների հետ էլեկտրոնային հաղորդակցության ապահովման, գրանցումների համար:

- Ստեղծվել է մասնակիցների գրանցամատյան՝ ըստ մասնագիտությունների բաշխվածության:

- Անցկացվել է 3-օրյա դասընթաց՝ ապրիլի 1-ին, 22-ին և 29-ին, ՇՊՀ-ի դահլիճում: Դասընթացը եզրափակվել է ամփոփիչ թեստային աշխատանքով և դասընթացի մասին կարծիքի թերթիկի լրացումով:

- Մայիսի 13-ին, դասընթացի 65 մասնակիցների (ընդհանուր 102 մասնակիցներից միայն 65-ին, որոնք ներկայացրել են ինքնուրույն անհատական աշխատանքներ՝ ինտեգրված թեմատիկ միավորի պահանջներին համապատասխան առաջադրանքներ և ինտեգրված դասի պլան՝ <<Ջրոլորտ>> թեմայով) հանձնվել են վկայականներ, պայմանավորվածություններ են ձեռք բերվել հետագա համագործակցության համար:

- Վերլուծվել են դասընթացի մասին ունկնդիրների կարծիքների թերթիկները և ամփոփիչ թեստային աշխատանքները:

- Առաջին եռամսյակում մշակվել է տպագրության համար նախատեսվող առաջին հոդվածի թեման ու նախագիծը:

- Յուրաքանչյուր եռամսյակի հաշվետվության ներկայացումից հետո մշակվել են հաջորդ եռամսյակի աշխատանքային ժամանակացույցը, հստակեցվել են անդամների հանձնարարականները:

- Երկրորդ եռամսյակում, համաձայն աշխատանքային պլանի, թիմի անդամները հանձնարարությունների կատարման ընթացքում համագործակցել են ենթախմբերի անդամ-ուսուցիչների հետ, մշակել են ինտեգրացված ուսուցման դասի պլաններ՝ համապատասխան մասնագիտական ուղղվածությամբ: Մասնավորապես՝

1) Թիմի անդամ Ավագյան Կարինե - թիվ 15 դպրոցի ուսուցիչ Ք. Մարկոսյանի և ՀՊՏՀ-ի Գյումրու մասնաճյուղի հենակետային վարժարանի ուսուցիչ Լ. Մացոյանի հետ համագործակցել են «Ջրի որակի որոշում» թեմայով գործնական դասի պլանի ստեղծման աշխատանքներ իրականացնելիս: Ստեղծել են նաև հետաքրքրաշարժ նյութերի, փորձերի, բնագիտական մտածողությամբ գեղարվեստական ստեղծագործությունների բանկ:

2) Թիմի անդամ Աիդա Ամազարյանը՝ թիվ 27 դպրոցի ուսուցիչ Ն. Սիմոնյանի, 23 դպրոցի ուսուցիչ, դասվար Մ. Նալբանդյանի հետ ստեղծել են տարրական դպրոցի 3-րդ դասարանում ուսումնասիրվող «Կաթիլ» ինտեգրացված դասի պլան: Իսկ Ա. Ամազարյանը բուհի բնագիտական մասնագիտություններ ուսումնասիրող ուսանողների համար պատրաստել է «Համաշխարհային օվկիանոս» ինտեգրացված դասի պլանը, ինչպես նաև հանելուկների, աշխարհագրական խաղերի ու ռեբուսների, բնագիտական գիտելիքներ պարունակող գեղարվեստական ստեղծագործությունների բանկ:

3) Թիմի անդամ Հռիփսիմե Միքայելյանը համագործակցել է կենսաբանություն մագիստրատուրա 2-րդ կուրսի ուսանող Նազելի Սահակյանի և կենսաբանություն հեռակա 5-րդ կուրսի ուսանող (այժմ Անուշավան գյուղի ուսուցիչ) Լենա Գրիգորյանի հետ և ստեղծել են «Ջրոլորտ» ինտեգրացված թեմատիկ միավորի առաջնային ու երկրորդային առարկայախմբերի հիմնական հասկացությունների ցանցը, հասկացությունների իմացությունը ստուգող հարցեր, կազմել են թեմայի ուսուցման և սովորողի գիտելիք, կարողություն-հմտությունների ստուգման տարբեր առաջադրանքներ, վիկտորինայի հարցեր, ստեղծել են «Ամեն ինչ ջրի մասին» ամփոփիչ դասի պլան, «Ատլանտյան օվկիանոս» ինտեգրացված դասի ուսուցման պլան, «Ջրոլորտ» ԻԹՄ-ի ամփոփիչ «Խաղ-վիկտորինայի» պլան, թեմատիկ ամփոփիչ թեստ՝ «Ջրի համաշխարհային շրջապտույտը» թեմայի վերաբերյալ, ինչպես նաև խաղերի, առակների, հանելուկների, ասացվածքների ու դարձվածքների բանկ: Նշված բոլոր դասերը կազմակերպել են թից 3-րդ ավագ դպրոցում և բնագիտամաթեմատիկական ֆակուլտետի կենսաբան 1-ին և 3-րդ կուրսերում:

4) 1-3 կետերում նշված աշխատանքների մի մասը մշակվելուց և խմբագրվելուց հետո ընդգրկվել են ծրագրի ամփոփիչ ձեռնարկում:

- Պարբերաբար քննարկման են ներկայացվել ընթացիկ աշխատանքները, բացահայտվել են սխալները, թերությունները, ուղղորդվել են աշխատանքների հետագա ընթացքը:

- Ծրագրի ղեկավարի կողմից տրամադրված մասնագիտական օգնության արդյունքում դասընթացի մասնակից ուսուցիչները կազմակերպել են ինտեգրացված դասեր: Մասնավորապես Գյումրու թիվ 15 դպրոցում անցկացվել է «Մարդու ծագումը» ինտեգրացված դասը՝ կենսաբանության ուսուցչուհի Ս. Սարգսյանի և պատմության ուսուցչուհի Լ. Գրքիկյանի կողմից, և Անուշավան գյուղի փոխարինող ուսուցչուհի Լենա Գրիգորյանի կողմից 25.11.2017-ին «Զգայարաններ» թեմայով ամփոփիչ ինտեգրացված դասը՝ հանրույթի, հրավիրված դասախոսների և այլ դպրոցների ուսուցիչների ու աշակերտների ներկայությամբ, որոնց համար դասից հետո «Ինտեգրացված ուսուցում» թեմայով սեմինար-խորհրդակցություն է անցկացվել ծրագրի ղեկավարի և անդամների կողմից:

- Տպագրվել է «Ինտեգրացված ուսուցման առանձնահատկությունները» հոդվածը՝ Բնագետ 1, 2017 էջ 23-28:

- Նախապատրաստվել և «Մանկավարժություն» հանդեսում տպագրելու համար գրախոսման է ուղարկվել «Ինտեգրացված դասը որպես ուսուցման նորացման ուղի» թեմայով աշխատանքը, որը վերցվել է տպագրության 2018թ. տարվա երկրորդ կեսի համարներից մեկում՝ համաձայն ամսագրի պատասխանատու քարտուղար Ս.Գալոյանի ստորագրությամբ տեղեկանքի:

- «Բնագիտությունը 21-րդ դարում. ուսուցման հիմնախնդիրներ և լուծումներ» 29-30 սեպտեմբերի 2017թ. համահայկական գիտաժողովին զեկուցման համար ուղարկվել է «Ինտեգրացված դասի պլանավորման մոտեցումներ» թեմայով աշխատանքը՝ համապատասխան հայտով:

- Նախագծվել է ծրագրի ավարտին աշխատանքները ամփոփող ձեռնարկի կառուցվածքային բովանդակությունը, շարունակվել է ձեռնարկի ստեղծման համար նյութերի հավաքումը:

- Երրորդ եռամսյակին գրախոսությունից հետո երաշխավորված «Ինտեգրացված դասի պլանավորման մոտեցումներ» թեմայով աշխատանքը 01.10.2017 թ.-ին զեկուցվել է Երևանի Հայ-Սլավոնական համալսարանում անցկացված «Բնագիտությունը 21-րդ դարում. ուսուցման հիմնախնդիրներ և լուծումներ» համահայկական 5-րդ գիտաժողովին, որը տպագրվել է 2018 թ. հունվարին:

- Գորիսի պետական համալսարանում 05.10.2017թ. ՈԻԳԸ նստաշրջանում ներկայացվել և տպագրության է վերցվել նախագծի թիմի անդամ, կենսաբանություն 4-

րդ կուրսի ուսանողուհի Հ. Միքայելյանի զեկուցումը՝ «Ինտեգրացված ուսուցման նպատակներն ու խնդիրները» թեմայով:

- Տպագրության համար նախապատրաստվում է «Տարբեր առաջադրանքների կիրառական նշանակությունները ինտեգրացված դասեր պլանավորելիս»

աշխատանքը, որը արդեն դուրս է ծրագրի պայմանագրային պարտավորությունից:

- ՇՊՀ-ի թիվ 3 ավագ դպրոցում մանկավարժական պրակտիկայի անցկացման ընթացքում՝ 08.12.2017-ին «Միայն ջրի մասին» բնագիտական գիտելիքների խաչմերուկում ինտեգրացված դաս է կազմակերպվել կենսաքիմիա հոսքի 10-րդ դասարանում (*մեկ շաբաթով պրակտիկայի հետաձգման պատճառով նոյեմբերի փոխարեն դասն անցկացվել է դեկտեմբերին*): Դասի կազմակերպիչ ու անցկացման պատասխանատու՝ ԲՄ ֆակուլտետի կենսաբանություն մասնագիտության 4-րդ կուրսի պրակտիկանտ, ծրագրի թիմի անդամ՝ Հոփսիմե Միքայելյան: Դասավանդող ուսուցիչ՝ Գոհար Ածիկյան:

- Բնագիտամաթեմատիկական ֆակուլտետի աշխարհագրություն մասնագիտության 2-րդ կուրսում 06.12.2017թ. տարբեր մասնագիտության ուսանողների մասնակցությամբ՝ այլ կուրսերի ուսանողների ներգրավումով (աշխ. 3-րդ, հեռակա աշխ.2-րդ, մագ. 1-ին, դեղ. 3-րդ և դեղ. 4-րդ) կազմակերպվել է «Համաշխարհային օվկիանոս» ինտեգրացված բաց դաս: Պատասխանատու՝ նախագծի թիմի անդամ Ա.Ամազարյան:

- 2017-2018 ուստարում S/Մ 4-րդ կուրսի «Ես և շրջակա աշխարհը», ինչպես նաև ՆԴ 4-րդ կուրսի «Բնություն և բնության հետ ծանոթացման մեթոդիկա» դասընթացներում ներառվել և ուսուցանվել է «Ինտեգրացված ուսուցում» թեման: Դասախոս՝ Ա.Ամազարյան,

- S/Մ 4-րդ կուրսում «Ջուր» թեմայի վերաբերյալ տարբեր անհատական աշխատանքների են կատարվել: Դասախոս՝ Ա.Ամազարյան,

- Բնագիտամաթեմատիկական ֆակուլտետում տարբեր մասնագիտության ուսանողների մասնակցությամբ՝ ուսանողների միջազգային օրվան նվիրված կազմակերպվել և անցկացվել է ինտեգրացված ուսուցման տարբեր կիրառումով (թանկարժեք և կիսաթանկարժեք մետաղների ծագման, դրանց խորհրդավորությունների մասին առասպելների, լեգենդների, առակ-ասացվածքների, տարածման, բուժական և զեղագիտական կիրառությունների և այլ հարցերի ներկայացումով) միջոցառում՝ «Հետաքրքրաշարժ քիմիա: Հարցեր, փորձեր, պատմություններ» խորագրով: Պատասխանատուներ՝ նախագծի թիմի անդամ Կ. Ավագյան և ամբիոնի դասախոս Լ.Մելքոնյան:

- Բուհական ուսումնառության գործընթացում ինտեգրացված ուսուցման ներդրման նպատակով թիմի անդամների և այլ դասախոսների կողմից, որպես

կուրսային և ավարտական աշխատանքների, մագիստրոսական թեզերի թեմաներ են հանձնարարվել բուհի տարբեր մասնագիտական բաժիններում: Մասնավորապես՝

Կենսաբանություն մագիստրատուրա 2-րդ կուրսի ուսանողուհի Սահակյան Նազելի - Ինտեգրացված թեմատիկ միավորի ստեղծում «Ջրոլորտ» թեմայի վերաբերյալ թեզ: Ղեկավար՝ Ն.Ադամյան

- Կենսաբանություն մագիստրատուրա 1-ին կուրսի ուսանողուհի Գրիգորյան Լուսինե - «Գեղարվեստական ստեղծագործությունները որպես «Էվոյուցիոն տեսություն» թեմայի գիտելիքների յուրացմանը օժանդակող միջոց» թեզ: Ղեկավար՝ Ն.Ադամյան

- Կենսաբանություն 4-րդ կուրսի ուսանողուհի Հոփսիմե Միքայելյան - «Ջրոլորտը որպես կենսոլորտի մաս» ինտեգրացված թեմատիկ միավոր և ուսուցման մոտեցումներ ավարտական աշխատանք: Ղեկավար՝ Ն.Ադամյան

- Կենսաբանություն 4-րդ կուրսի ուսանողուհի Աիդա Ավետիսյան - «Մաթեմատիկայի և կենսաբանության փոխկապակցվածությունը կենսաբանության դասընթացում» կուրսային աշխատանք: Ղեկավար՝ Գ. Օքսուզյան:

- Աշխարհագրություն մագիստրատուրա 1-ին կուրսի ուսանողուհի Լուսինե Քերոբյան - «Ինտեգրացված ուսուցումը որպես «Բնագիտություն» դասընթացի դասավանդման նոր մոտեցում» մագիստրոսական թեզ: Ղեկավար՝ Ա. Ամազարյան

- Աշխարհագրություն մասնագիտության հեռակա ուսուցման 5-րդ կուրսի ուսանողուհի Հերմինե Սարգսյան - Ինտեգրացված թեմատիկ միավորի ստեղծում «Մթնոլորտ» թեմայի վերաբերյալ ավարտական աշխատանք: Ղեկավար՝ Ա. Ամազարյան:

- «Կենսաբանության դասավանդման մեթոդիկա» դասընթացի ծրագրում (դասախոս՝ ծրագրի թիմի ղեկավար Ն.Ադամյան) բակալավրի առկա ուսուցման 3-4-րդ և հեռակա ուսուցման 4-5-րդ կուրսերում, մագիստրատուրա 1-ին կուրսում ներառվել են ինտեգրացված ուսուցմանը նվիրված տեսական ու գործնական հետևյալ թեմաները՝

1) Ինտեգրացված ուսուցման առանձնահատկությունները, նպատակներն ու խնդիրները

2) Ինտեգրացված ուսուցման պլանավորման մոտեցումներ

3) Ինտեգրացված թեմատիկ միավորներ

4) Միառարկա և բազմառարկա ինտեգրացված դասերի, միջոցառումների պլանավորում,

5) Ինտեգրացման երևույթը բնագիտական մտածողության զարգացման գործում,

6) Բնագիտական գիտելիքները գեղարվեստական ստեղծագործություններում և ժողովրդական բանահյուսության մեջ,

- Լրացվում են նախագծի աշխատանքներն ամփոփող ձեռնարկի ստեղծման համար անհրաժեշտ նյութերը:

Չորրորդ եռամսյակում՝

- Լրացվել են ձեռնարկի բոլոր գլուխների նյութերը, ամբողջացվել է գրականության ցանկը:

- Հստակեցվել է «Ջուրը գիտելիքների խաչմերուկում» ուսումնամեթոդական ձեռնարկի կառուցվածքը, բովանդակությունը:

- Մասնագիտական խմբագրման են ենթարկվել բոլոր գլուխները:

- Ձեռնարկը գրախոսվել է ԿԳՆ ԿԱԻ մանկավարժական կադրերի վերապատրաստման և ատեստավորման բաժնի վարիչ Վաղարշակ Ոսկանյանի և ԵՊՀ կենսաբանության ֆակուլտետի կենդանաբանության ամբիոնի դոցենտ, ֆակուլտետի գիտ. քարտուղար Աննա Կարապետյանի կողմից և ստացել տպագրության երաշխավորություն:

- Ձեռնարկի նախնական տարբերակը հանձնվել է ՇՊՀ Գիտական քաղաքականության և արտաքին համագործակցության կառավարման կենտրոնի տնօրենին՝ սրբագրման, մակետավորման, խմբագրման և տպագրման գործընթացները կազմակերպելու համար:

- Ներկայումս բուհը կազմակերպում է ուսումնամեթոդական ձեռնարկի սրբագրման, մակետավորման, խմբագրման և տպագրության աշխատանքները:

Տպագրված ձեռնարկի օրինակներ տրամադրվելու են բուհի գրադարանին և բոլոր ամբիոններին:

- Բնագիտամաթեմատիկական ֆակուլտետի դասախոսների և ուսանողների համար 09.04.2018 ին կազմակերպվել է գիտական սեմինար-գեկուցում «Ինտեգրացված ուսուցումը որպես կրթության նորացման ճանապարհ» թեմայով:

Ծրագրի աշխատանքների իրականացման համար բուհի կողմից ապահովվել են կանոնավոր ամենամսյա վճարումներ:

Որպես եզրափակում, նշեմ, որ ծրագիրը ամբողջությամբ չի սպառել իր հնարավորությունները: Նպատակահարմար ենք գտնում այն շարունակել նաև 2-րդ փուլով, բուհում ծրագրի արդյունքների արդյունավետ ներդրմանը օժանդակելու, դասավանդող դասախոսներին մոնիթորինգային օգնության ապահովման, վերապատրաստման համար:

Հրատարակվող ձեռնարկի նյութերը տեսական, գործնական և մեթոդական հիմք են ծրագրով նախատեսված թեման բուհի ամբիոններում մանկավարժություն և բոլոր առարկաների դասավանդման մեթոդիկա դասընթացներում հաջողությամբ և հեշտությամբ ներդնելու համար: Սակայն, կարծում ենք, որ, բացի տեսական հիմքի ապահովումից, գործընթացի հաջողության երաշխիքը առաջարկվող թեմայի վերաբերյալ շահագրգիռ մասնագետների մասնագիտական ու մեթոդական

գիտելիքների հարստացումն է, գործնական հմտությունների ձևավորումն ու
զարգացումը, ձեռնարկից օգտվելու հնարավորությունների ուսուցումը: Ինչը մեր
կարծիքով առավել օգտակար է ոչ այնքան ինքնակրթության, որքան
վերապատրաստման դասընթացների կազմակերպման միջոցով, ինչի համար
ակնկալում ենք բուհի ղեկավարության գործուն օժանդակությունը:

«Բնագիտական առարկաների «Դասավանդման մեթոդիկա»

դասընթացի ծրագրերի բարելավում՝ «Ինտեգրված թեմատիկ

միավորներ» թեմայի ներառումով» թեմայի ղեկավար՝



Նելլի Ադամյան

կ.գ.թ., դոցենտ

14.04.2018

ՈՐՈՇՈՒՄ

22. հունիս 2018, № 33.7/5

2017թ.-ի ՆԵՐԲՈՒՀԱԿԱՆ ԳԻՏԱԿԱՆ ԴՐԱՄԱՇՆՈՐՀԻԱՅԻՆ ԾՐԱԳՐԻ
ՇՐՋԱՆԱԿՈՒՄ «ԲՆԱԳԻՏԱԿԱՆ ԱՌԱՐԿԱՆԵՐԻ «ԴԱՍԱՎԱՆԴՄԱՆ ՄԵԹՈԴԻԿԱ»
ԴԱՍԸՆԹԱՅԻ ԾՐԱԳՐԵՐԻ ԲԱՐԵԼԱՎՈՒՄ` «ԻՆՏԵՐԱԿՏԻՎ ԹԵՄԱՏԻԿ
ՄԻԱՎՈՐՆԵՐ» ԹԵՄԱՅԻ ՆԵՐԱՌՈՒՄՈՎ» ԹԵՄԱՅՈՎ ԱՇԽԱՏԱՆՔՆԵՐԻ
ԱՍՓՈՓԻՉ ՀԱՇՎԵՏՎՈՒԹՅԱՆ ՄԱՍԻՆ

Ղեկավարվելով Շիրակի պետական համալսարանի կանոնադրության 48-րդ կետի 6-
րդ ենթակետով` ՇՊՀ գիտական խորհուրդը ո ր ո շ ու մ է.

1. Նշելով, որ լրիվությամբ կատարվել են 2017 թվականի դրամաշնորհի շրջանակում նախատեսված աշխատանքները, ընդունել հաշվետվությունը, այն գնահատել դրական:
2. Սույն որոշումն ուժի մեջ է մտնում ընդունման պահից:

ՇՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

ՌԵԿՏՈՐԻ ՊԱՐՏԱԿԱՆՈՒԹՅՈՒՆՆԵՐ ԿԱՏԱՐՈՂ՝  ԵՐ. ՍԵՐՈԲՅԱՆ